



Kapolo jwangu atesile sambu nujuwechete kuti Ambuje mlungu ngululuchilani sambu syangu

Ngani jikutochela kwa Abi Huraira Allah asangalale nawo watite kuti: Kutochela kwa mtenga jwa Allah chanasa ni utendele ujale kwa jwalakwejo, kutochela kwa mlungu jakwe» Kapolo jwangu atesile sambu nujuwechete kuti Ambuje mlungu ngululuchilani sambu syangu ni Allah akuwecheta kuti: kapolo jwangu atesile sambu nambo amanyilile kuti jwana mlungu jwasakululuchila sambu kapena kupeleka ilagasyo ni sambisyo, kaneko akuwilisya soni kutenda sambu, nikuwenda soni kuti ambuje mlungu ngululuchilani sambu syangu. Mlungu ni akuwecheta kuti kapolo jwangu atesile sambu nambo amanyilile kuti akwete mlungu jwakwe jwakukululuka nambo soni kupeleka chilango, kaneko akutenda soni sambu nikum'wenda soni mlungu kuti ambuje mlungu ngululuchilani sambu syangu, Mlungu ni akuti kapolo jwangu atesile sambu nambo amanyilile kuti jwana m'mbuje gwakwe jwakululuka sambu nambo soni jwapeleka chilango, ni akasawechecha kuti tendani inkusaka nankululuchile sambu syenu.».

[صحيح] [متفق عليه]

Akulongosola mtenga jwa Allah kutochela kwa Allah kuti kapolo naga ali atesile sambu kaneko nikuwecheta kuti Ambuje mlungu mungululuchilani sambu syangu; mlungu asawechecha kuti kapolo jwangu atesile sambu ni amanyilile kuti akwete mlungu jwakwe jwakululuka, ni akasasisaga sambu syakwesyo nikunkululuchila kapena kumpa chilango, basi nankululuchile. Kaneko nikuwilisya soni kutenda sambu nikuwecheta kuti Ambuje mlungu ngululuchilani ni Allah asawechecha kuti: kapolo jwangu atesile sambu ni amanyilile kuti akwete mbuje jwakukululuka, ni akasi asisaga sambu syakweso nikunkululuchila apo iyayi asampaga chilango, kaneko asatiga kuti nankululuchile kapolo jwangu Kaneko asawuja nikuwilisya soni kutenda sambu, nikuwecheta kuti Ambuje mlungu ngululuchilani sambu syangu, ni Allah akusatiga kapolo jwangu atesile sambu nambo amanyilile kuti jwana m'mbuje jwakwe jwakukululuka, ni akasasisaga nikusikululuka, kapena kupeleka chilango, kumapeto kwakwe ni akasati nankululuchile kapolo jwangu, atende yakusaka, ligongo ndayi syosope syakutenda yasambu asalekaga nikudandaulaga, kusimichisya kuti ngatenda soni nambo mtima niusiwatendesya kuti atende soni kane, nambo pakuti asawendaga kwakululuchila naga ali atesile nikuti basi chinakululuchile ligonng kulapa kusagumulaga yayipite.

النجاة الخيرية
ALNAJAT CHARITY

